

2 Oktober, 2023

Kenyataan Media

PUSPAKOM mengumumkan pelantikan Ketua Pegawai Eksekutif Baharu

SHAH ALAM, 2 Oktober– PUSPAKOM Sdn Bhd (PUSPAKOM) mengumumkan pelantikan Mahmood Razak Bahman sebagai Ketua Pegawai Eksekutif baharu, berkuat kuasa 1 Oktober 2023. Mahmood menggantikan Shukor Ismail yang telah bersara pada 30 September 2023 selepas meneraju syarikat selama 11 tahun.

Sebelum pelantikan ini, Mahmood adalah Ketua Komunikasi Strategik Kumpulan di DRB-HICOM Berhad dan ahli lembaga pengarah PUSPAKOM. Beliau membawa bersama pengalaman luas dalam pelbagai industri, termasuk minyak dan gas, barangan pengguna yang bergerak pantas (FMCG) dan pembangunan pengangkutan awam.

Antara tahun 2008 dan 2016, Mahmood memegang jawatan pengurusan atasan di organisasi terkemuka seperti Sime Darby Plantation Berhad, salah satu syarikat perladangan terbesar di dunia, dan Mass Rapid Transit Corporation Sdn. Bhd., pembangun dan pemilik aset Projek MRT Lembah Klang, di mana jawatan terakhirnya adalah Pengarah Operasi & Pengurusan Aset. Sebelum masuk ke sektor korporat pada tahun 2008, Mahmood berada di industri media penyiaran di mana beliau pernah berkhidmat di ntv7, Bloomberg TV Malaysia, Astro News dan Astro Awani dalam pelbagai jawatan termasuk wartawan, pembaca berita, editor dan penerbit.

Pengerusi PUSPAKOM, Tan Sri Abdul Hamid Bador menyatakan keyakinannya terhadap kemampuan Mahmood untuk membawa Syarikat ke tahap yang lebih tinggi. Beliau juga mengucapkan terima kasih kepada Shukor atas sumbangan yang tidak ternilai dalam meneraju pertumbuhan PUSPAKOM sejak pelantikannya pada tahun 2012.

"Shukor telah memainkan peranan yang penting dalam membentuk PUSPAKOM selama lebih dari satu dekad. Di bawah kepemimpinannya, PUSPAKOM telah mencapai kejayaan seperti yang kita dapat lihat pada hari ini. Sumbangan beliau termasuklah pengenalan MyPUSPAKOM, sistem janji temu dan pembayaran dalam talian yang telah banyak memberi kemudahan kepada pelanggan. Di PUSPAKOM, beliau juga telah memperkenalkan pelaksanaan transaksi tanpa tunai dan tanpa kertas serta pelbagai inisiatif lain bagi meningkatkan lagi pengalaman pelanggan," tambah beliau.

#

Gambar



Kiri: Tan Sri Abdul Hamid Bador



Kanan: Mahmood Razak Bahman

MENGENAI PUSPAKOM

***Puspakom Sdn Bhd (PUSPAKOM)** merupakan syarikat pemeriksaan kenderaan yang pertama dan satu-satunya yang dilantik oleh Kerajaan Malaysia untuk menjalankan semua pemeriksaan mandatori bagi kedua-dua kenderaan komersial dan persendirian. Ditubuhkan pada tahun 1994, kami adalah anak syarikat milik penuh DRB-HICOM Berhad.*

Peranan utama kami adalah untuk menjalankan pemeriksaan ke atas kenderaan untuk membantu pemilik kenderaan dalam memastikan kenderaan berada di dalam keadaan yang selamat untuk dipandu di atas jalan raya serta memastikan pemilik kenderaan mematuhi peraturan-peraturan dalam memelihara alam sekitar melalui ujian pelepasan asap. Ini akan dilakukan melalui pemeriksaan yang ketat dan teliti terhadap kenderaan untuk memastikan mereka mematuhi peraturan keselamatan Kerajaan.

Setiap tahun, PUSPAKOM menjalankan lebih daripada 3 juta pemeriksaan kenderaan. PUSPAKOM mempunyai rangkaian di seluruh negara di 54 pusat pemeriksaan yang dilengkapi peralatan yang diiktiraf dan dikalibrasi oleh pihak berkaitan dari semasa ke semasa. Selain itu, PUSPAKOM juga mempunyai lebih daripada 25 pemeriksaan secara lawatan yang menyediakan perkhidmatan pemeriksaan kenderaan di kawasan kurang penduduk dan di luar Bandar.

Perkhidmatan Pemeriksaan Bergerak PUSPAKOM terdiri daripada Unit Bergerak Trak, Unit Bergerak Van dan Unit Bergerak Ringan, menyediakan perkhidmatan pemeriksaan kenderaan dari pintu ke pintu kepada pelanggan individu dan korporat kami. Kami bangga memberikan perkhidmatan pemeriksaan kenderaan yang cepat, cekap dan tepat secara profesional.